

Vlada TK odobrila upis 132 studenta koji su položili prijemni ispit



Vlada Tuzlanskog kantona je na danas održanoj vanrednoj sjednici dala prethodnu saglasnost na prijedlog odluke Senata Univerziteta u Tuzli o upisu 132 studenta koji su u statusu samofinansirajućih.



Riječ je o studentima koji su u prvom upisnom roku za upis studenata u prvu godinu prvog i integriranog prvog i drugog ciklusa studija u akademskoj 2019/20. godini položili prijemni ispit.

Između oostalog, Vlada je danas povukla iz procedure sve materijale koji su ranije dostavljeni, a nisu razmatrani na sjednici Skupštine TK. Radi se o prijedlozima zakona o inspekcijama Tuzlanskog kantona, zakona o izmjenama i dopunama zakona o osnivanju Javne ustanove Mješovita srednja škola u Sapni, o osnivanju Javne ustanove Gimnazija "Ismet Mujezinović" u Tuzli, Javne ustanove Osnovna škola "Sjenjak" u Tuzli, te Javne ustanove Mješovita srednja škola Lukavac.

Razlog za povlačenje je upoznavanje novoimenovanog saziva Vlade Tuzlanskog kantona sa ovim materijalima, saopćeno je iz Vlade TK. (tk)

Date: 22-08-2019